

ತಿಮೋಥೆಯನಿಗೆ ಬರೆದ ಮೊದಲನೆಯ ಪತ್ರಿಕೆ ತಿಮೋತಿನೆ ಬರ್ದಲ ಪೈಲಾ ಪತ್ರ ವಳಕ

ಯಕ್ಕಾ ತಿಮೋತಿನು ಪತ್ರ ಅಪೊಸ್ತಲ ಥಯಲ ಪೌಲಾ ತಿನೊ ಶಿಷ್ಯೊ ಥಯಲ ತಿಮೋತಿನೆ ಬರ್ದಲ ವ್ಹ್ಯೆ ಯೆಸು ಕ್ರಿಸ್ತ ಹುಟ್ಟಲ ಪರ 62-64 ವರಕ್ತ ಥಯಲಪರ ಎ ಪತ್ರ ಬರ್ದ್ಯಾಸ. ಎ ಪೌಲಾನು ಲಾಸ್ವನಾ ಟೈಮಮಾ ಬರ್ದಲ ವ್ಹ್ಯೆ ಪೌಲಾ ವರಿ ತಿಮೋತಿನಾ ವಚ್ಚಾ ಚೊಕು ಸಂಬಂಧ ವ್ಹತ್ತು. ಪೌಲಾ ತಿಮೋತಿನೆ ಕೆಳಾಮಾಬಿ ದಿಕ್ರೊ ಕೈನ ಕತೊತೊ.

ಫಿಲಿಪ್ಪಿ 2:22;1:21:18 ಎ ಚಾರಮಾ ಯಕ್ಕ ಪತ್ರವ್ಹ್ಯೆ ಪೌಲಾ ಸಭೆನೆ ನೈ ಬರದ್ಯಾವಾಚಿ ಮನಕ್ತನೆ ಬರ್ದ್ಯೊಸ. ಬಿಜಾ ತನ್ನ ಪತ್ರ ಕಯಾ ವ್ಹ್ಯೆ ಕದ್ಯಾಮ 2 ತಿಮೋತಿ, ತಿತ, ವರಿ ಫಿಲೊಮಿನಾ ವಿಚಾರೊ ಲೈ. ಸಭೆನಾ ಆರಾದನೆನಾ ಹುತಿ 1 ತಿಮೋಥಿಮಾ ಘನ್ನಾ ಸಲಹೆ ಲೈ 2:1-15 ಸಭೆನಾ ನಾಯಕೊನಾ ಜರುರತ 3:1-13 ವರಿ ಸುಳ್ಳ ಬೊಧಕೊನಾ ವಿರುದ್ಧ ಹುಶಾರಕಿ ವ್ಹ್ಯೆ 1:3-114:1-56:2-5 ಎ ಕ್ಹಾರು ಪೌಲಾ ಕೈ ತರಾಮಾ ಸಭೆನಾ ವಚ್ಚಾ ತಿಮೋತಿನೆ ಯಕ್ಕ ನಾಯಕ ಥೈನ ಶಿಕ್ಕಲಾವಾಡೊತೊ ಕವಾನು ದೆಕಾಡಸ. 1 ತಿಮೋತಿ ಪತ್ರಮಾ ಕೆಕ್ಲಾಕಿ ನಿಯಮೊ ಎ ಟೈಮನಾ ಆಜು ಬಾಜುನಾ ಸಭೆನಾ ನಾಯಕೊನೆ ಕೈ ತರಾಮಾ ಸೆವೆ ಕರು ಕವಾನೆ ಮದತ ಥಯುಸ.

ಪಿರಿಕೆ

- 1 ಪೌಲಾ ತಿಮೋತಿನೆ ನಮಸ್ಕಾರ ಕರಾನಾ ಮುಕಾಂತರ ಶುರುವಾತ ಕರಾಡ್ಲೊಸ. 1:1-2
- 2 ಪಾಚಲ್ತೊ ಸುಳ್ಳ ಬೊಧಕೊನಾ ವಿರುದ್ಧ ಹುಶಾರಕಿ ದಿವಸ. 1:3-11
- 3 ಯೆಸು ಕ್ರಿಸ್ತನೆ ಕೆಕ್ಲೊ ಆಭಾರಿ ತಯೊಸ ಕೈನ ಪತ್ರನೆ ಅಗೊ ಬಡಾವಸ. 1:12-19

- 4 ಪಾಚಲ್ಲೊ ಆರಾದನಾ ವರಿ ಸಭೆನಾ ನಾಯಕೊನಾ ಹುತಿ
ತಿಮೊಥಿನೆ ಸಲಹೆ ದಿವಸ. 2—3
5 ತಿಮೊಥಿನೆ ಪೌಲಾ ಲಾಸ್ವನಾ ಸಲಹೆ ದೆತೊ ಎ ಪತ್ರನೆ ಪುರಾ
ಕರಸ. 4—6

1 ಹಮ್ಮಾರೊ ರಕ್ಷಕ ಥಯಲ ಕ್ಹುದಾ ವರಿ ಯೆಸುಕ್ರಿಸ್ತ ತೆ ಹಮಾರಾ
ಕೈದಾನಿ ಆದೇಶಕ್ಹು ಪೌಲಾ ಥಯಲ ಯೆಸುಕ್ರಿಸ್ತನೊ ಅಪೊಸ್ತಲ ಥಯೊ.

2 ತು ಬರೊಕ್ಕೊ ರ್ಲ್ಯಯಲವಾಲೊ ಥಯಲಕ್ಹು ಮನೆ ಕ್ಹರಿನೊ ದಿಕ್ರಾ
ಲಿಂಗತ ಛೆ. ಬಾ ಥಯಲ ಕ್ಹುದಾಕ್ಹು ವರಿ ಅಪ್ಪೊ ಪ್ರಭು ಥಯಲ ಕ್ರಿಸ್ತ
ಯೆಸುಕ್ಹು ಕೃಪಾ ಮರಗಾ ಶಾಂತಿ ತುನೆ ಮಳಾದೆ.

3 ಮಿ ಮಕೆದೊನಿಯೆ ಜ್ಞಾತಾಮಾ, ತು ಎಫೆಸಮಾ ರ್ಲ್ಡೆ ಕೈನ ತುಕನ
ಮಿ ಮಾಂಗಿಲಿದ್ಯೊತೊ. ಕಾ ಕದ್ಯಾಮ ದಕ್ಹಾಜನಾ ತ್ಯಾಸುಳ್ಳ ಸಂಗತಿಯೊ
ಉಪದೇಶ ಕರಾಡಾಸ. ತು ತ್ಯನೊನೆ ಆಗನ್ಯಾ ದಿನ್ನ ಹುಬ್ರಾಡ.

4 ವಿಚಾರ ಕರಲ ಕಾನಿಯೊನೆಬಿ ವರಿ ತುಮಾರಾ ಪಿತ್ಯವೊನು
ಖಾಂದಾನೆ ಧ್ಯಾನದ್ಯುನ್ಯೆ ಕೈನ ತ್ಯನೊನೆ ಆಗನ್ಯಾ ದೆ. ತೆ ಸಂಗತಿಯೊ
ವಾದ-ವಿವಾದ ಲಾವಸ. ತ್ಯವಾಕ್ಹು ಕ್ಹುದಾನಾ ಕಾಮನೆ ಸುಜ ಉಪಯೊಗ
ನತ್ತಿ. ಕ್ಹುದಾನು ಕಾಮ ಬರೊಕ್ಕಾ ಕ್ಹುಕರು.

5 ಮಯಾಜ ತೆ ಆಗ್ನ್ಯಾನಿ ಗುರಿ ವ್ಹ್ಯೆ ತೆ ಮಯಾ ಮಳು ಕದ್ಯಾಮ
ಮನಕ್ಹೊ ಚೊಕಾ ಮನಸೆ ರ್ಲ್ಯಯಲವಾಲಾ ರ್ಲ್ಡ್ ಯೊಗ್ಯ ಥಯಲ
ಕಾಮಜ ಕರಾಲಾ ರ್ಲ್ಡ್ ವರಿ ಕಪಟಿ ನೈಸೊ ಬರೊಕ್ಕೊ ರ್ಲ್ಯಯಲವಾಲಾ
ರ್ಲ್ಡ್.

6 ದಕ್ಹಾಜನಾ ಎ ಗುರಿ ಚುಕಿನ ನೈಸೊ ಕರಾನಾ ವಿಷಯಮಾ ಬೊಲ್ತಾ
ರ್ಲ್ಡ್ ವಸ.

7 ತ್ಯನೆ ಧರಮ ಉಪದೇಶ ಕರಾಲಾ ಧೌಕೈನ ತ್ಯನು ಆಸವೈ. ತೆ ನೈಸೊ
ತ್ಯನೆ ಸು ಬೊಲ್ಲಿವಾಡಾಸ ಕವಾನು ತ್ಯನೊನೆ ತಿಳದ್ಯುನತ್ತಿ. ತ್ಯನೊನೆ
ಕ್ಹರಿಮಾಜ ತಿಳದ್ಯುಸ ಕೈನ ತ್ಯನೆ ಕವಾನಾ ಸಂಗತಿಯೊನೆ ತ್ಯನೆ ತಿಳ್ವೆಲಿತಾ
ನೈ.

8 ಧರಮಶಾಸ್ತ್ರ ಚೊಕು ವ್ಹ್ಯೆ ತೆ ನೈಸೊ ತಿನೆ ಕ್ಹರಿಕ್ಹು ಪುರಾ ಕರು.

9 ಧರ್ಮಶಾಸ್ತ್ರವು ತಯ್ಯಾರ ಕರಲ ಚೋಕಾವೊನಾ ಹುತಿ ನವೈ ಕೈನ ಅಪೊನೆ ತಿಳಿದ್ಯುಸ. ತಿನೆ ತಯ್ಯಾರ ಕರಲ ತಿನಾ ವಿರುದ್ಧ ಚಾಲಾಲಾ ವರಿ ತಿನೆ ನೈಚಾಲಿಲಿನ ಚಾಲಾಲಾ ಮನಕ್ಕೊನೆ ವ್ಹೈ ಕ್ಹುದಾನೆ ವಿರುದ್ಧ ಥಯಲ ಮನಕ್ಕೊನೆ ವರಿ ಪಾಪಿಯೊನೆ, ಧರಮ ನೈಕರಾಲಾವೊನೆ ವರಿ ಪರಿಶುದ್ಧ ನೈರ್ದಯಲವಾಲಾವೊನೆ, ಮಾ-ಬಾಪನೆ ಖಲಾಸ ಕರಾಲಾವೊನೆ ವರಿ ಮನಕ್ಕೊನೆ ಖಲಾಸ ಕರಾಲಾವೊನೆ,

10 ಲೈಂಗಿಕ ಪಾಪ ಕರಾಲಾವೊನೆ, ಸುಳ್ಳು ಕವಾಲಾವೊನೆ, ದಿದಲ ವಾತೊ ಚುಕಾಲಾ ಮನಕ್ಕೊನೆ, ಕ್ಹುದಾನಿ ಕ್ಹರಿನಿ ಉಪದೇಶನಾ ವಿರೋದ ಥೈನ ಸುಚಾಯೆ ತೆ ಕರಾಲಾವೊನೆ ತಿನೆ ತಯ್ಯಾರ ಕರಲ್ಯಾಸ.

11 ತೆ ಉಪದೇಶ ಮನಕ್ಕೊನೆ ತಿಳಿಸಾನಾ ಹುತಿ ಕ್ಹುದಾ ತುನೆ ದಿದಲ ಸುವಾರತೆನು ಯಕ್ಕ ಭಾಗ ಥಯುಸ. ನಸಿಬವಾಲೊ ಥಯಲ ಕ್ಹುದಾ ಕಂತು ಎ ಮಹಿಮಾನಿ ಸುವಾರ್ತೆ ಐಸ.

12 ಅಪ್ಪೊಪ್ರಭು ಥಯಲ ಯೆಸು ಕ್ರಿಸ್ತ ಮಪರ ರ್ಹಯಲ ಬರೊಕ್ಕಾನಾ ಹುತಿ, ತಿನೆ ಸೆವಾ ಕರಾನೆ ಎ ಕಾಮ ಮನೆ ಮರಗಿನ ದಿದಲ ಹುತಿ ಮಿ ತಿನೆ ಸ್ತುತಿ ಕರುಸ. ತೆ ಮನೆ ತಾಕತ ದಿವಸ.

13 ಪೈಲಾ, ಮಿ ಕ್ರಿಸ್ತನಾ ವಿರೋದ ಬೊಲ್ಯೊತೊ. ತಿನೆ ಮಿ ತ್ರಾಸ ಕರಲ್ಯೊತೊ. ತಿನೆ ದುಖ ಧಾವಾವರಕ್ಕು ಕಾಮೊ ಕರಲ್ಯೊತೊ. ವರಿಬಿ ಮಿ ಸು ಕರಾಡ್ಲೊಸ ಕವಾನು ಮನೆ ಗ್ವತ್ತ ನೈರ್ದಯಲ ಹುತಿ ಕ್ಹುದಾ ಮನೆ ಮರಗ್ಯೊ ಬರೊಕ್ಕೊನೈ ರ್ಹತಾಮಾ ಮಿ ತೆ ಕ್ಹಾರು ಕರಲ್ಯೊತೊ.

14 ತೆನೈಸೊ ಅಪ್ಪೊಪ್ರಭುನಿ ಪುರಾ ಮರಗಾ ಮನೆ ಮಳಿ. ಯೆಸು ಕ್ರಿಸ್ತಪರ ರ್ಹಯಲ ಬರೊಕ್ಕೊವರಿ ಮಯಾ ತೆ ಕೃಪಾನಾ ಕ್ಹಾತೆ ಐ.

15 ಮಿ ಕವಾನಿಯೊ ಎ ಸಂಗತಿಯೊ ಕ್ಹರಿನಿಯೊಚ್ಚ ವ್ಹೈ ತಿನಾಹುತಿ ತುಮೆ ತಿನೆ ಪುರಾ ವಪ್ಪಿಲಿವೊ. ತೆ ಸುವ್ವೈ ಕದ್ಯಾಮ; ಪಾಪಿಯೊನೆ ವಚಾಡಾನಾ ಹುತಿ ಯೆಸು ಕ್ರಿಸ್ತ ಎ ಲೊಕಮಾ ದಿಕ್ಕೊ ತೆ ಪಾಪಿಯೊಮಾ ಮಿಚ್ಚ ಮೊಟ್ಟೊ ವ್ಹೈ

16 ತೆನೈಸೊ ಮನೆ ಮರಗಾ ಮಳಿ. ಯೆಸು ಕ್ರಿಸ್ತ ತಿನೆ ಘನ್ನು ತಡ್ಡಿಲವಾನು ಮಾರಾಮಾ ದೆಕಾಡಾನಾ ಹುತಿ ಮನೆ ಮರಗಾ ದಿದ್ಯೊ

ಪಾಪಿಯೊಮಾ ಕ್ಹಾರಾತಿ ಮೊಟ್ಟೊ ಥಯಲ ಮನೆ ಕ್ರಿಸ್ತ ತಿನಿ ತಾಳ್ತೆ ದೆಕಾಡ್ಲೊ ಹಮೆಶಾನೊ ಜಲಮನಾ ಹುತಿ ಕ್ರಿಸ್ತಮಾ ಬರೊಕ್ಕೊ ಮ್ಹೆಲಾಲಾ ಮನಕ್ಲೊನೆ ಮಿ ವಳಕ ಥೌ ಕೈನ ತೆ ಮನೆ ಮರಗ್ಲೊ.

17 ಹಮೆಶಾ ರಾಜ ಕರಾಲಾ ರಾಜಾನೆ ಮಹಿಮಾ ವರಿ ಮರ್ಯಾದಿ ರ್ವವಾದೆ. ತಿನಾ ಹತೆ ನೈ ಥಾವಾನು ಕಯುಜ ನತ್ತಿ. ತೆ ದಿಕ್ಲೆ ನೈಸೊ ರ್ವವಸ. ಯಕ್ಕಲೊಜ ಕ್ಹುದಾ ಥಯಲ ತಿನೆ ಮರ್ಯಾದಿ ವರಿ ಮಹಿಮಾ ಹಮೆಶಾಬಿ ಥಾವಾದೆ. ಆಮೆನ್.

18 ತಿಮೊತಿ, ತು ಮಾರೊ ದಿಕ್ರಾ ಮಿ ತುನೆ ಸು ಆಜ್ಞಾ ದ್ಯು ಕದ್ಯಾಮ, ಪೈಲಾ ತಾರಿ ವಿಚಾರಮಾ ತಿಳಸಾಯಲ ಪ್ರವಾದನೆ ಲಿಂಗತ ಬರೊಕ್ಕೊ ಮ್ಹೆಲಿನ ಹೊರಾಟ ಕರ.

19 ತಾರಾಮಾ ಬರೊಕ್ಕೊ ಘಟ್ಟ ಧೈನ ರ್ವವಾದೆ, ತುನೆ ಖೊಕು ಲಾಗಲಜ ಕರ. ದಕ್ಖಾಜನಾ ಇಮ್ಮ ಕರ್ರ್ಯಾನ್ಯೆ ತ್ಯನೊ ಬರೊಕ್ಕೊ ಕ್ಹಾರೊ ಹಾಳ ಧೈಗಯೊ.

20 ಹುಮೆನಾಯ ವರಿ ಅಲೆಕ್ಸಾಂಡ್ರಿಯಾ ತಿಮ ಕರ್ರ್ಯಾ ಕ್ಹುದಾನಾ ವಿರೊದ ಬೊಲುನ್ಯೆ ಕೈನ ತ್ಯನೆ ತಿಳ್ವಲಿವಾನಾ ಹುತಿ ತ್ಯನೊನೆ ಸೈತಾನಕನ ದಿದ್ಲೊ.

2

1 ಕ್ಹಾರಾತಿ ಪೈಲಾ ಮಿ ತುಮೊನೆ ಸು ಕೌಸ ಕದ್ಯಾಮ, ಕ್ಹಾರಾ ಮನಕ್ಲೊನಾ ಹುತಿ ಕ್ಹುದಾನೆ ಧನ್ಯವಾದ ಕರೊ, ತಿನೆ ಸ್ತುತಿ ಕರೊ.

2 ಅಪೊಮಾ ಶಾಂತಿ ಸಮಾಧಾನ ರ್ವವಾದೆ ಕೈನ ಕ್ಹುದಾನೆ ಪುರಾ ಭಕ್ತಿಕ್ಹು ಮರ್ಯಾದಿಕ್ಹು ಆರಾಧನಾ ಕರಾ ಹುತಿ ಸಾಧ್ಯ ಥಯುಮ ರಾಜಾವೊನಾಹುತಿ ಅದಿಕಾರಿಯೊನಾಹುತಿ ಕ್ಹುದಾನೆ ಧನ್ಯವಾದ ಕವೊ.

3 ಎ ಖೊಕು ವ್ಹೈ ವರಿ ಅಪೊ ರಕ್ಷಕ ಥಯಲ ಕ್ಹುದಾನೆ ಎ ಪಸಂದ ವ್ಹೈ.

4 ಕ್ಹಾರಾ ಮನಕ್ಲೊನೆ ರಕ್ಷಣೆ ಮಳಾದೆ ಕೈನ, ಕ್ಹರಿ ವಳಕಾದೆ ಕೈನ ತಿನಿ ಆಸ ವ್ಹೈ.

5 ಕ್ಷುದ್ರಾ ಯಕ್ಕೊಬ್ಬ ವ್ಹೈ ಕ್ಷುದ್ರಾನಾ ವರಿ ಮನಕ್ಕೊನಾ ವಚ್ಚಾನೊ ಯಕ್ಕೊಬ್ಬ ವ್ಹೈ ಮನಕ್ಕು ಧಯಲ ಯೆಸು ಕ್ರಿಸ್ತಜಿ ವ್ಹೈ

6 ಯೆಸು ಕ್ಷಾರಾ ಮನಕ್ಕೊನಾ ಜಾತನಾ ಪಾಪೊನಾ ಹುತಿ ತಿನೆ ತೆ ಒಪ್ಪಿನ ದಿದ್ಯೊ ಕ್ಷುದ್ರಾ ಕ್ಷಾರಾವೊನೆ ರಕ್ಷಣೆ ಮಳಾದೆ ಕೈನ ಕ್ಷುದ್ರಾನಿ ಆಸನೆ ತೆ ಕರೆಟ್ಟೆ ಟೈಮ್ಮಾ ದೆಕಾಡಿನ ದಿದ್ಯೊ

7 ತಿನಾ ಹುತಿ ಸುವಾರ್ತೆ ಕವಾನಾ ಹುತಿ ಅಪೊಸ್ತಲೊ ಧಾವಾಹುತಿ ಯಹುದ್ಯೊ ನೈರ್ದಯಲ ಮನಕ್ಕೊನೆ ಸುವಾರ್ತೆ ಕವಾಹುತಿ ಮನೆ ಇನಿಲಿದ್ಯೊ ಎ ಕ್ಷರಿ ವ್ಹೈ ಎ ವಾತ ಸುಳ್ಳ ನ್ಹವೈ ಕ್ಷರಿ ವಳಕಾದೆ ಕೈನ ಬರೊಕ್ಕೊಕರು ಕೈನ ಮಿ ತ್ಯುನೊನೆ ಸುವಾರ್ತೆ ಕದ್ಯೊ

8 ಕ್ಷಾರಿ ಜಗಾವೊಪರ ದಾಣ್ಣಾ ಪ್ರಾಧನಾ ಕರು ಕೈನ ಮಾರಿ ಆಸ ವ್ಹೈ ತ್ಯುನಾ ಪವಿತ್ರ ಹತೊ ಉಪ್ಪರ ಉಚ್ಚಿನ ಪ್ರಾಧನಾ ಕರಾಲಾ ತ್ಯುನೆ ಪರಿಶುದ್ಧ ಧಾವಾದೆ. ತ್ಯುನೆ ವಾದ ಕರಾಲಾ ವರಿ ಸಿಟ್ಟಕರಾಲಾ ಧಾ ನೈ

9 ಇನಾ ಲಿಂಗತಜಿ ಹೆಣ ಮನಕ್ಕೊತ್ಯುನೊನೆ ಚಾಯೆಧಯಲ ವಣ್ಣಾಜಿ ತ್ಯುನೆ ಫಾಲ್ಕು ಕೈನ ಮಾರಿ ಆಸ ವ್ಹೈ ತ್ಯುನಾ ವಣ್ಣಾ ತ್ಯುನೆ ಮರ್ಯಾದಿ ವಾಲಿಯೊ ವ್ಹೈ ಕೈನ ದಿಕ್ಕಾ ವರಕ್ಕಾರ್ಲೊ ತ್ಯುನೆ ಚೊಕಿಯೊ ದಿಕ್ಕಾನೆ ತ್ಯುನಾ ಬಾಲೊ ಭಾಂದಿಲ್ಕು ನೈ; ಕ್ಷೊನು ವರಿ ಮೊಗಾನಾ ವಣ್ಣಾ ಫಾಲ್ಕು ನೈ

10 ತೆನೈಸೊ ತ್ಯುನೆ ತೆ ಬಾಕಡಿಯೊ ತ್ಯುನೊನೆ ಚೊಕಾ ಕಾಮೊ ಕರಾನಾ ಹುತಿ ತ್ಯುನಿ ಸುಂದರತಾ ದೆಕಾಡಿಲ್ಕು ಕ್ಷುದ್ರಾನೆ ಆರಾಧನಾ ಕರೆಸ ಕೈನ ಕವಾಲ್ಯೊ ಹೆಣ್ಣು ಮನಕ್ಕೊತ್ಯುನೊನೆ ತಯ್ಯಾರ ಕರಲ್ಕು

11 ಹೆಣ್ಣು ಮನಕ್ಕೊ ಉಪದೆಶ ಐಕು ವರಿ ವಿಧಿಯ ಧಾವಾಹುತಿ ತಯ್ಯಾರ ಧಾ. ಕ್ಷಾರಿ ತರಾಕ್ಪುತಿನಾಕ್ಪುತೆ ಒಪ್ಪಿನ ದ್ಯು

12 ತ್ಯುನೆ ದಾಣಗಾವೊನೆ ಉಪದೆಶ ಕರಾನು ರ್ಹವಾದೆ ತ್ಯುನಾ ಉಪ್ಪರ ಅದಿಕಾರ ಚಲಾವಾಹುತಿ ಮಿ ಮೌಕೊ ನೈ ದೆತೊ. ತ್ಯುನೆ ಗಪ್ಪ ರ್ಲೊ

13 ಕಾಕದ್ಯಾಮ ಪೈಲಾ ಸೃಷ್ಟಿ ಧಯಲ ಆದಾಮ ವ್ಹೈ ಪಾಚಾತಿ ಸೃಷ್ಟಿ ಧಯಲ ಹವ್ವಳ ವ್ಹೈ

14 ತೆನ್ನೈಸೊ ಸೈತಾನಕ್ಕು ಮೊಸಮಾ ಪಡಲ ಆದಾಮನೆ ನ್ಹವೈ ಹೆಣ್ಣು ಮನಕ್ಹ ಮಳ್ಳ ಧೈನ ಮೊಸನೆ ಬಲಿ ಧೈನ ಪಾಪಮಾ ಪಡಿ.

15 ತೆನ್ನೈಸೊ ಹೆಣ್ಣು ಮನಕ್ಹ ಬರೊಕ್ಕಾಮಾ, ಮಯಾಮಾ, ಪರಿಶುದ್ಧತೆಮಾ ವರಿ ಪವಿತ್ರತಾಮಾ ಘಟ್ಟ ಧೈನ ರ್ಹಯ್ಯೊಮ ಬಚ್ಚಾ ಜನ್ನತಾಮಾ ರಕ್ಷಣೆ ಮಳಸ.

3

1 ಮಿ ಕವಾನಿಯೊ ವಾತೊ ಕ್ಹರಿನಿಯೊಜು ವ್ಹೈ ತೆ ಸು ವ್ಹೈ ಕದ್ಯಾಮ, ಸಬಾಪಾಲಕ ಥೌಸ ಕೈನ ಕೊಶಿಶ ಕರಾಲೊ ಚೊಕು ಕಾಮಜು ಕರಾಲೊ ವ್ಹೈ

2 ತೆ ಸಭೆನಾ ಮೊಟ್ಟಾ ಮನಕ್ಹೊನಾ ಕೆಟ್ಟ ವಾತೊಮಾ ಪಡೆನ್ನೈಸೊ ಚೊಕೊ ಧೈನ ರ್ಹೈ ತುನೆ ಯಕ್ಕಲಿಜು ಬೈಕೊ ರ್ಹೈ ತೆ ಘನ್ನೊ ಗ್ಯಾನಿ ರ್ಹೈ ಮನಕ್ಹೊಮರ್ಯಾದಿ ದಿವಾನೆ ಯೊಗೈರೈ

3 ತೆ ಪಿವಾನೆ ಆಸ ರ್ಹೈನ್ನೈ ವರಿ ತ್ರಾಸ ಕರಾಲೊ ರ್ಹೈನ್ನೈ ತೆ ಶಾಂತಿ ಸಮಾಧಾನವಾಲೊ ರ್ಹೈ ದೊಕ್ಕಾವೊಪರ ಆಸ ರ್ಹೈನ್ನೈ

4 ತಿನಾ ಸ್ವಂತ ಖಾಂದಾನವಾಲಾವೊನೆ ಚೊಕೊ ಚಲೈನಿಂಜಾವಾಲೊ ರ್ಹೈ ತಿನಾ ಬಚ್ಚಾ ತಿನೆ ಮರ್ಯಾದಿ ದ್ಯು

5 ತಿನಾ ಸ್ವಂತ ಘರವಾಲಾವೊನೆ ಆಳಾನು ನೈಗ್ವತ್ತ ರ್ಹಯಲವಾಲೊ ಕ್ಹುದಾನಿ ಸಭೆಮಾ ಆಳಾನೆ ಯೊಗೈನತ್ತಿ.

6 ತೆ ನವೊ ವಿಶ್ವಾಸಿ ರ್ಹೈನ್ನೈ ನವಾ ವಿಶ್ವಾಸಿನೆ ಸಬೆಪರ ಮೊಟ್ಟೊ ಕರ್ಯಾಮ, ತಿನೆ ಸ್ವಕ್ಕ ಆವಸ. ಸೈತಾನ ತಿನಾ ಸ್ವಕ್ಕ ಕ್ಹುತಿನೆ ಶಿಕ್ಷಾ ಮಳಲ ಲಿಂಗತ ಇನೆಬಿ ಶಿಕ್ಷಾ ಮಳಸ.

7 ಸಬೆಪರ ಮೊಟ್ಟೊ ರ್ಹಯಲವಾಲೊ ಸಭೆಮಾ ರ್ಹಯಲ ಮನಕ್ಹೊಕ್ಕು ಮರ್ಯಾದಿ ಲ್ಯು ತೆಳಾಮಾ ತೆ ಮನಕ್ಹೊನಾ ಕೆಟ್ಟ ವಾತೊಕ್ಕು ವಾಚಿನ ರ್ಹವಸ. ಸೈತಾನ ಘಾಲಲ ಬಲಿಕ್ಕು ವಾಚಿನ ರ್ಹವಸ.

8 ಇನಾ ಲಿಂಗತಜು ಸಭೆಮಾ ಚೊಕಾ ಸೆವಕೊ ಥಯಲವಾಲಾ ತ್ಯುನಿ ನಡತೆಕ್ಕು ಬಿಜಾವೊಕ್ಕು ಚೊಕು ಕವೈಲಿವಾನೆ ಯೊಗೈವ್ಹೈ ಮೊಡು ದೆಕಿನ

ಬೊಲ್ಯಾವಾಚಿ ರ್ಹಾ ತ್ಯುನೆ ದಾರು ಪಿನ ಟೈಮ ಕಾಡಾಲಾ ರ್ಹಾನ್ಯೆ ವರಿ ಬಿಜಾವೊನೆ ಮೊಸ ಕರಿನ ಸೌಕಾರ ಥಾವಾನೆ ಕರುನ್ಯೆ ದೊಕಡಾನಿ ಆಸ ರ್ಹಾನ್ಯೆ

9 ಘನಿ ರ್ಹಾಯಲ ಕ್ಹರಿನೊ ಬರೊಕ್ಹೊ ದಿಕ್ಹಿನ ಆವಾನಿ ಗ್ಯಾನಕ್ಹು ಧರಲಿದೆಲವಾಲಾ ರ್ಹಾ

10 ತ್ಯುನೊನೆ ತು ಪೈಲಾ ವಳಕೊ. ತ್ಯುನೆ ಕೆಟ್ಟ ಕಾಮೊಮಾ ನೈ ರ್ಹಾಯಾಮ ಸೆವೆ ಕರಸ ಕವಸ.

11 ಇನಾಲಿಂಗತಜ ಸಭೆಮಾ ಸೆವೆ ಕರಾಲ್ಯೊ ಹೆಣ ಮನಕ್ಹೊನೆ ಮನಕ್ಹೊಮರ್ಯಾದಿ ಲಿವಾನೆ ಯೊಗ್ಯ ರ್ಹಾ ತ್ಯುನೆ ಬಿಜಾ ಮನಕ್ಹೊನಾ ಹುತಿ ಕೆಟ್ಟ ಕವಾಲ್ಯೊ ರ್ಹಾನ್ಯೆ. ತ್ಯುನಾಕ್ಹು ತ್ಯುನೆ ಹತೊಟಿಮಾ ರ್ಹಾ ಕ್ಹಾರಾ ವಿಷಯನಾ ಹುತಿ ಸಮಾಧಾನಕ್ಹು ವರಿ ಬರೊಕ್ಹಾವಾಲಾ ರ್ಹಾ

12 ಸಭೆಮಾ ಸೆವೆಕರಾಲಾ ಯಕ್ಹಲಿನೆಜ ಹಿವಾ ಕರಲಿದಲ ರ್ಹಾ ತ್ಯುನೆ ತ್ಯುನಾ ಬಿಜಾವೊನೆ ವರಿ ಘರವಾಲಾವೊನಾ ಮೊಡೆ ಘೊಕು ಕವೈಲಿವಾಲಾ ರ್ಹಾ

13 ಘೊಕಿ ವಾಟಿಮಾ ಸೆವೆ ಕರಾಲಾ ಮನಕ್ಹೊ ತ್ಯುನೊನೆ ಚಾಯೆ ಥಯಲ ಮರ್ಯಾದಿನಿ ಜಗಾ ಲಿವಸ. ಯೆಸು ಕ್ರಿಸ್ತನಿ ತ್ಯುನೊ ಬರೊಕ್ಹಾನಾ ಹುತಿ ತ್ಯುನೆ ಬರೊಕ್ಹಾವಾಲಾ ಘಟ್ಟಿ ಥೈನ ರ್ಹಾವಸ.

14 ಮಿ ತುಕನ ಭೆಗಿನ ಔಸ ಕೈನ ಬರೊಕ್ಹೊಮನೆ ಫಿ. ವರಿಬಿ ಆ ಕ್ಹಾರು ಬರ್ದಾಡ್ಯೊಸ.

15 ಪಾಚಲ್ತೊ ಮಿ ತುಕನ ಭೆಗಿನ ನೈ ಆಯೊತಬಿ ಕ್ಹುದಾನಾ ಘರಮಾ ಕರಾನಾ ಕಾಮೊ ತುನೆ ಗ್ವತ್ತ ಫಿ. ತೆ ಘರ ಜಿವೊ ರ್ಹಾಯಲ ಕ್ಹುದಾನು ಸಬೆ ವ್ಹೈ ತೆ ಕ್ಹರಿನಿ ಫಾಯಾ ವರಿ ಆಸ್ರೊ ವ್ಹೈ

16 ಕ್ಹುದಾನಿ ಭಕ್ತಿನಿ ಆದಾರ ಥಯಲ ಕ್ಹರಿ ವರಿ ಸಂಶೊವಾಚಿ ಅಪ್ಪಿ ಅರಾಧನಾನಿ ಜಿವಿತ ದಡಿರ್ಹಾಯಲ ಮೊಟಿ ವ್ಹೈ ಕ್ರಿಸ್ತ ಮನಕ್ಹನಾ ರುಪಮಾ ಅಪೊನೆ ದಿಕ್ಹೊ ತೆಜ ಕ್ರಿಸ್ತ ವ್ಹೈಕೈನ ಪವಿತ್ರ ಆತ್ಮಾ ದೆಕಾಡಿನ ದಿದಿ. ಕ್ಹುದಾನಾ ದುತೊನೆ ತೆ ದಿಕ್ಹೊ ತಿನಾ ಹುತಿ ಸುವಾರ್ತೆ ಕ್ಹಾರಾ

ಮನಕ್ಕೊನೆ ಪ್ರಚಾರ ಕರೆಯ್ತೊ ಜಗತ್ಯಾ ರ್ವಯಲ ಮನಕ್ಕೊ ತಿಪರ ಬರೊಕ್ಕೊಮ್ಮೆಲ್ಯಾ ತೆ ಮಹಿಮಾನಾ ಕ್ವಾತೆ ಸ್ವರಗಾಮಾ ಗಯೊ.

4

¹ ತಿನಾಹುತಿ ಅಗಲ್ಯಾ ದಿನೊಮಾ ದಕ್ವಾ ಮನಕ್ಕೊ ಮೊಸ ಕರಾನು ಆತ್ಮನಾ ವಾತೊಪರ, ಸೈತಾನನಾ ವಾತೊಪರ ಬರೊಕ್ಕೊ ಕರಿನ ಸುಳ್ಳನಾ ಆತ್ಮನಾ ಆಜ್ಞಾ ಐಕಿನ ಪಾಲ್ಸಸ, ವರಿ ಸೈತಾನನಾ ಶಿಕ್ಷಣ ನಿಂಗತ ಚಾಲಸ.

² ತೆ ಭೊದನೆ ಸುಳ್ಳ ಬೊಲಾಲಾ ವರಿ ಮೊಸ ಕರಾಲಾ ಮನಕ್ಕೊ ಕಂತು ಆವಸ. ತ್ಯಾನೆ ಕ್ವರಿ ಸುವ್ವೆ ವರಿ ಕೆಟ್ಟ ಸುವ್ವೆ ವಳಕ್ಕತಾನೈ. ಉನ್ನು ಥಯಲ ಲ್ಲೊಡಾಕ್ವು ಬಳಿನ ರಾಕ ಥಯಲ ಲಿಂಗತ ತ್ಯಾನು ಗ್ಯಾನಬಿ ಹಾಳ ಧೈಭಾವಸ.

³ ತೆವಾ ಮನಕ್ಕೊ ಹಿವಾ ಕರಲ್ಯುನೈ ಕೈನ ವರಿ ದಕ್ವು ಅನಾಙ್ ಖೌನೈ ಕೈನ ತ್ಯಾನೆ ಕವಸ. ತೆನೈಸೊ ಬರೊಕ್ಕೊ ರ್ವಯಲವಾಲಾ ವರಿ ಕ್ವರಿ ತಿಳದಿಲಿದಲವಾಲಾ ಸ್ತುತಿ ಕರಿನ ತೆ ಅನಾಙ್ ಖಾವಾದೆ ಕಾಕದ್ಯಾಮ ತೆ ತಯ್ಯಾರ ಕರಲವಾಲೊ ಕ್ವುದಾಙ್ ವ್ವೈ.

⁴ ಕಾ ಕದ್ಯಾಮ ಕ್ವುದಾ ತೆ ತಯ್ಯಾರ ಕರಲ ಹರಿ ಯಕ್ಕ ಚೊಕು ರ್ವವಸ ತಿನೆ ಸ್ತುತಿ ಕರಿನ ಲಿವಾನು ಸುಬಿ ರ್ವೈನೆಕಾ ತಿರಸ್ಕಾರ ಕರುನೈ.

⁵ ಕಾಕದ್ಯಾಮ ಕ್ವುದಾನಿ ವಾಕ್ಯಾಕ್ವು ವರಿ ಪ್ರಾಥನಾ ಕ್ವು ತೆ ಅನ್ನ ಪವಿತ್ರ ಥಾವಸ.

⁶ ತ್ಯಾ ರ್ವಯಲ ಭಾಯೊ ಭೆನೊ ಎ ಕ್ವಾರು ಕದ್ಯಾಮ, ತು ಕ್ರಿಸ್ತ ಯೆಸುನೊ ಚೊಕೊ ಸೆವಕ ಥಾಸಿ ಕವಾನು ಬರೊಕ್ಕಾನಿಯೊ ವಾತೊ ವರಿ ಚೊಕು ಉಪದೇಶ ಕರಿನ ಚಾಲಲ ಹುತಿ ತಾಕತವಾಲೊ ವ್ವೈ ಕೈನ ದೆಕಾಡಿನ ದೆಶಿ.

⁷ ಕ್ವುದಾ ಕ್ವರಿಕ್ವು ಮಳಾನಿ ಕಾನಿಯೊ ಮನಕ್ಕೊ ಕವಸ. ತೆ ಕಾನಿಯೊ ಲಿಂಗತ ಚಾಲು ನಕೊ. ಕ್ವುದಾ ನೆ ಕ್ವರಿ ಕ್ವು ಸೆವೆ ಕರಾನು ತುಮಾರಾಕ್ವು ತುಮೆ ತಿಳ್ವಿಲಿವೊ.

⁸ ಶಾರಿರಿಕ ವ್ಯಾಯಾಮಕ್ವು ಅಪ್ಪೊನೆ ದಕ್ವಿರಿತಿಮಾ ತುಮೊನೆ ಆಸ್ತೊ ಥಾವಸ. ತೆನೈಸೊ ಕ್ವುದಾನಿ ಸೆವೆ ಕರಾನು ತುಮೊನೆ ಕ್ವಾರಿ ತರಾ

ಆಸ್ತಿಯ ಧಾವಸ. ಕ್ಷುದ್ರಾನಿ ಸೆವೆ ಕ್ಷಾರಾ ಲೋಕಮಾ ಆಶಿರ್ವಾದ ಧೈನ ರ್ವವಸ. ಕಾಕದ್ಯಾಮ ಹಮ್ಮಾನೊ ಟೈಮ್ಮ ವರಿ ಆವಾನೊ ಕಾಲಮ್ಮ ದಿದೆಲ ವಾಗ್ಗಾನ ಮಳಲಿದ್ಯಸ.

9 ಎ ಸಂಗತಿಯೊಪರ ಬರೊಕ್ಕೊ ಕರಾನು ಕ್ಷಾರಾಕ್ಪಯೊಗ್ಯ ವ್ವೈ

10 ತಿನಾಹುತಿ ಅಪೆ ಕಷ್ಟಕ್ಷಾವಾಡಾಸ, ಪ್ರಯಾಸ ಕರಾಡಾಸ, ಕಾಕದ್ಯಾಮ್ ಕ್ಷಾರಾ ಮನಕ್ಕೊನೆ, ವಿಶೇಷ ಕರಿನ ಬರೊಕ್ಕೊ ಕರಾವಾಲಾವೊನೆ, ರಕ್ಷಕ ಧಯಲ ಜಲಮ್ಮ ರ್ವಯಲ ಕ್ಷುದ್ರಾನಾ ಉಪ್ಪರ ಹಮೆ ಬರೊಕ್ಕೊ ಮ್ವೆಲಾಲಾ ಧಯಾಸ.

11 ಎ ಕ್ಷಾರಿ ಆಗನ್ಯಾ ಕೈನ ವರಿ ತಿಳಸ,

12 ತು ಜಾಂಜಿಮಾನ ರ್ವಯಲ ಹುತಿ ತುಜು ಮ್ವೊಟೊ ವ್ವೈ ಕೈನ ಕವೈಲಿದ್ಯಾವಾಚಿ ತುನೆ ಹಿನಾವಾನೆ ಕಿನೆಜು ಮೌಕೊ ದ್ಯು ನಕೊ. ವಿಸ್ವಾಶಿಯೊ ಕಿಮ ರ್ವೈ ಕೈನ ತುಜು ತ್ಯುನೊನೆ ದೆಕಾಡಿನ ದ್ಯು ತು ಬೊಲಾನು ಚಾಲಾನು ಮಯಾಮಾ ವರಿ ಬರೊಕ್ಕಾಮಾ ವರಿ ಪರಿಶುದ್ಧ ಜಿವಿತ್ಮಾ ತು ತ್ಯುನೊನೆ ದೆಕಾಡಿನ ದ್ಯು

13 ಕ್ಷುದ್ರಾನಿ ವಾಕ್ಯಾ ಮನಕ್ಕೊನೆ ಒದಿನ ಕೈನ ತ್ಯುನೊನೆ ಘಟ್ಟ ಕರಿನ ವರಿ ತ್ಯುನೊನೆ ಭೊದನೆ ಕರಿನ. ಮಿ ಆಯೆಲಕ್ಕಾ ಎ ಕ್ಷಾರು ತು ಕರತೊಜು ರ್ವೈ

14 ತುಕನ ರ್ವಯಲ ಮರಗಾನಿ ವರಾನೆ ತಿನೆ ಅಲಕ್ಷ ಕರೊ ನಕೊ ತೆ ವರಾ ತಮಾರಾ ಪ್ರವಾದಿ ಕರಲ ಹತ್ತ ವ್ವೈ ವರಿ ಮ್ವೊಟಾ ಮನಕ್ಕೊಕ್ಕು ತಾರಾ ಉಪ್ಪರ ಹತ್ತ ಮ್ವೆಲ್ಯಾಸ.

15 ಎ ಕಾಮೊ ಕರತೊಜು ರ್ವೈ ಎ ಕಾಮೊ ಕರಾನೆಜು ತುಮಾರಿ ಜಿವಿತ ವಪ್ಪಿನ ದ್ಯು ತೆಳಾಮಾ ತಾರು ಕಾಮ ಅಭಿವೃದ್ಧಿ ಧಾವಾನು ಕ್ಷಾರಾ ಮನಕ್ಕೊ ದೆಕಸ.

16 ತಾರಿ ಜಿವಿತ್ಮಾ ತಾರಿ ಬೊಧನೆಮಾ ಹುಷಾರಕಿಮಾ ರ್ವೈ ಚೊಕಿ ತರಾನಿ ಜಿವ್ವಾ ಕರತೊ ಬೊಧನೆ ಕರತೊ ತೆಳಾಮಾ ತು. ತುನೆ ತಾರಿ ಬೊಧನೆ ಐಕಾಲಾವೊನೆ ವಚ್ಚಾಡುಸ.

5

1 ವೈಸ ಥಯಲ ಮನಕ್ಕೊನೆ ಸಿಟ್ಟಿ ಬೊಲ್ಯಾವಾಚಿ ತ್ಯನೊನೆ ಬಾಪ ವ್ಹೊನ ತಿಳ್ವಲಿನ ತ್ಯನಾ ಕ್ಹಾತೆ ಬೊಲ. ತಿನೆ ಮರ್ಯಾದಿ ದ್ಯು ಕಾಕದ್ಯಾಮ ತ್ಯನೆ ಯಕ್ಕಾಜ ಛಿ.

2 ವೈಸ ಥಯಲ ಹೆಣ ಮನಕ್ಕೊನೆ ಮಾ ಲಿಂಗತ ಜಾಂಜಿಮಾನ ಹೆಣ ಮನಕ್ಕೊನೆ ಭೆನೊ ಲಿಂಗತ ತಿಳ್ವದ. ಹಮೆಶಾಬಿ ತ್ಯನಾ ಕ್ಹಾತೆ ಚೊಕಿ ತರಾ ಚಾಲ.

3 ಕುನ್ನಜ ನೈರ್ದಯಲ ರಾಂಡಿ ಹೆಣ ಮನಕ್ಕೊನೆ ರಾಕ.

4 ದಿಕ್ಕ ನೈಸೊ ಮಾಟಿ ಮರೆಲವಾಲಿನೆ ಆಸೊ ಥಾವೊ. ತಿನಾಹುತಿ ರ್ದಯಾಮ, ತ್ಯನೆ ಮಾ ಬಾಪನೆ ಆಸೊ ಕರಲ ಲಿಂಗತ ತಿವ್ವಾ ಸ್ವಂತ ಖಾಂದಾನೆ ಮರ್ಯಾದಿ ದ್ಯು. ತ್ಯನೆ ಇಮ್ಮ ಕರಲ್ಯಾಮ, ಮಾ ಬಾಪನೆ ವರಿ ಬುಡಾ ಬುಡಿನೆ ತ್ಯನೊನೆ ಉಪಕಾರ ಕರಲ ಲಿಂಗತ ಥಾವಸ. ತೆ ಕ್ಹುದಾನೆ ಪಸಂದ ವ್ಹೊ.

5 ಯಕ್ಕ ರಾಂಡಿ ಹೆಣ ಮನಕ್ಕ ಕ್ಹರಿಮಾಜ ತಿನೆ ಕುನ್ನಜ ಆಸೊ ನೈಸೊ ಯಕ್ಕಲಿಜ ರ್ದಯಾಮ, ತೆಳಾಮಾ ತೆ ತಿನಾ ಆಸ್ರಾನೆ ಕ್ಹುದಾಪರ ಆಸ ಮ್ಹೊಲಸ. ತೆ ಹೆಣ ಮನಕ್ಕ ದಿನ್ನ ರಾತ ಪ್ರಾಧನಾ ಕರಸ. ತೆ ಆಸೊ ಮಾಂಗಸ.

6 ತೆನೈಸೊ ಮಾಟಿ ಮರೆಲವಾಲಿ ತಿನಾ ಮನಸ ಮನಸೆ ಆಯಲ ಲಿಂಗತ ಜಿವ್ವಾ ಕರಿಮ ತೆ ಜಿವ್ವಿ ರ್ದಯತಬಿ ಮರೆಲಲಿಂಗತ ವ್ಹೊ.

7 ಮನಕ್ಕೊನಾ ಕೆಟ್ಟವಾತೊನೆ ಗುರಿ ಥಾಯೆ ನೈಸೊ ತಿನೆ ರ್ದವಾನು ಶಿಕ್ಲಾ. ತೆಳಾಮಾ ತ್ಯನೆ ತಿನೆ ಕೆಟ್ಟವಾತೊ ಬೊಲಾನೆ ಥಾತು ನೈ.

8 ಕಯೊಬಿ ತಿನಾ ಸ್ವಂತ ಮನಕ್ಕೊನೆ ವರಿ ತಿನಾ ಸ್ವಂತ ಘರವಾಲಾವೊನೆ ನೈ ರಾಕ್ಯೊಮ ತೆ ಕ್ಹರಿಕ್ಹು ಚಾಲಾಲೊ ನ್ಹವೈ. ತೆ ಬರೊಕ್ಹೊ ನೈರ್ದಯಲ ಮನಕ್ಕತಿ ಕೆಟ್ಟ ವ್ಹೊ.

9 ರಾಂಡಿ ಹೆಣ ಮನಕ್ಕೊನಾ ಲಿಸ್ವಮಾ ಕ್ಹಾಟ ವೈಸ್ ಥಯಲ ರ್ಲೊ ತೆ ತಿನಾ ಮಾಟಿನಾ ಬರೊಕ್ಹೊಮಾ ರ್ಲೊ.

10 ತೆ ಚೊಕಾ ಕಾಮೊ ಕರಸ ಕೈನ ಕವೈಲಿದಲ ರ್ಲೊ ಕದ್ಯಾಮ ತೆ ತಿನಾ ಬಚ್ಚಾವೊನೆ ರಾಕಿನ, ಆಯಲ ಮನಕ್ಕೊನೆ ಮರ್ಯಾದಿ ದಿದಲ ವಾಲಿ,

ಕುದಾನಾ ಮನಕ್ಕೊನಾ ಪಗೊ ಧ್ವಯಲವಾಲಿ, ತ್ರಾಸಮಾ ರ್ವಯಲ ಮನಕ್ಕೊನೆ ಆಸೊ ಕರಲವಾಲಿ ವರಿ ತಿನಾ ಹತೆ ಧಯಲ ತೆಕ್ಕು ಚೊಕಾ ಕಾಮೊ ಕರಲವಾಲಿ ರ್ವಾ

11 ವರಿ ಮಾಟಿಮರಲ ಜಾಂಜಿಮಾನ ಹೆಣ ಮನಕ್ಕೊನೆ ತೆ ಲಿಸ್ವಮಾ ಮಳಾನ್ಯೆ. ತ್ಯುನೆ ಕ್ರಿಸ್ತನೆ ವಪ್ಪಿಲಿದಲ ರ್ವಿಯೊತಬಿ ತ್ಯುನಾ ಅಂಗನಿ ಆಸನಾ ಹುತಿ ಹಗ್ಗಲ್ಲಾ ತಿನೆ ಆಸ ಕರಸ. ಪಾಚಾತಿಯೊ ತ್ಯುನೆ ಹಿವಾಕರಲಿವಾನೆ ಆಸ ಕರಸ.

12 ತ್ಯುನೆ ದಿದಲ ವಾತ ದಾಟಿನ ಗಯೊಸ ತ್ಯುನೊನೆ ಫೈಸಲೊ ಧಾವಸ.

13 ಎನ್ನೆಸೊ ತ್ಯುನೆ ಘರೊ-ಘರೊ ಫರತಿಯೊ ತ್ಯುನೊ ಟೈಮ ಕಾಡಾನು ಚಾಲು ಕರಾನು ಶಿಕ್ಕಸ. ಫಾಲ್ತು ವಾತೊ ಬೊಲತ್ಯೊ ಬಿಚಾವೊನು ಬೊಲತ್ಯೊ ಟೈಮ ಹಾಳ ಕರಸ ಕವಾನಿಯೊ ನೈಸೊ ವಾತೊ ಕವಸ.

14 ತಿನಾಹುತಿ ಜಾಂಜಿಮಾನ ಮಾಟಿ ಮರಲವಾಲಿಯೊ ಹಿವಾ ಕರಲಿನ ಬಿಚ್ಚಾ ಜನ್ನಾದೆ ವರಿ ತ್ಯುನಾ ಘರೊ ದೆಕಿಲಿವಾದೆ. ತೆಳಾಮಾ ತ್ಯುನೊನೆ ಕೆಟ್ಟಿವಾತೊ ಕುನ್ನಜ ಬೊಲತು ನೈ.

15 ತೆನ್ನೆಸೊ ಹಮ್ಮಾಜ ದಕ್ಕಾಜನಾ ತಿವ್ವಿ ವಾಟ ಬದ್ಲಿ ಕರಿನ ಸೈತಾನ್ನಾ ಪಾಚಾ ಚಾಲಿಯೊಸ.

16 ತೆನ್ನೆಸೊ ವಿಶ್ವಾಸಿಯೊ ಧಯಲ ಹೆಣ ಮನಕ್ಕೊನಾ ಘರೊಮಾ ರಾಂಡಿಯೊ ರ್ವಯ್ಯೊಮ ತೆ ತ್ಯುನೊನೆ ಜತ್ತನ ಕರಾದೆ. ತ್ಯುನೊನೆ ದೆಕಿಲಿವಾನು ಜವಾಬ್ದಾರಿಯೊ ಸಬೆನೆ ದ್ಯು ನೈ. ತೆಳಾಮಾ ಕುನ್ನಜ ನೈ ರ್ವಯಲ ರಾಂಡಿ ಬಾಕಡಿಯೊನೆ ಅರಾಕಿ ಕರಾನಿ ಸಬೆನೆ ಸಾದ್ಯ ಧಾವಸ.

17 ಸಬೆನೆ ಚೊಕಿತರಾ ಚಲೈನಿಂಚಾವಾಲಾ ಮೊಟಾ ರ್ವಯಲವಾಲಾ ಮರಯಾದಿನೆ ವರಿ ಬೆ ಪಟ್ಟ ಪಗಾರನೆ ಯೊಗ್ಯ ವ್ಹೈ. ಖಾಸ ಕರಿನ ಉಪದೆಶ ವರಿ ಶಿಕ್ಕಾವಾನು ಕಾಮ ಪುರಾ ಮನಸೆ ಕರಾಮಾ ಹಮೆಶಾ ತಿಮಾ ರ್ವಯಲವಾಲಾ ಮೊಟಿ ಮರ್ಯಾದಿ ದಿವಸ.

18 ಕಾಕದ್ಯಾಮ "ಕಾಳ ಖುಂದಾನಿ ಬೈಲನು ಮೊಡು ಭಾಂದು ನೈ "ಕವಾನು "ರಾಬಾಲಾ ಆಳನೆ ತಿನಿ ಕುಲಿನಾ ತಕ್ಕ ಪಗಾರ ಮಳು "ಕವಾನು ಪವಿತ್ರ ಗ್ರಂಥ ಕವಸ್ತೊ.

19 ಸಬೆಪರ ಮೊಟ್ಟಾ ರ್ವಯಲ ವಾಲಾವೊನಾಹುತಿ ತಿವ್ವಾ ವಿರುದ್ಧ ಕುನಬಿ ಕತು ರ್ವಯುಮ ಬೆ ಜನಾ ನೈತೊ ತನ್ನ ಜನಾ ರ್ವಯಾಮಜ್ಜ ತಿವ್ವಿಯೊ ವಾತೊ ಐಕು ನಕೊ.

20 ಪಾಪ ಕರಾಲಾ ಮನಕ್ವೊನೆ ಸಭೆಮಾ ರ್ವಯಲ ಮನಕ್ವೊನಾ ಕ್ವಾಮೊಜ್ಜ ಬರ್ಬಡ. ತೆಳಾಮಾ ಬಿಜ್ಜಾವೊನೆಬಿ ಎಚ್ಚರಕಿ ಮಳಸ.

21 ತು ವಿಚಾರ ಕರಾತಿ ಪೈಲಾ ತಪ್ಪ ಘಾಲ್ಯಾವಾಚಿ, ಪಕ್ಷಪಾತಕ್ಕು ಸು ಕರ್ಯಾವಾಚಿ, ಮಿ ಕದಲ ವಾತೊನಾ ಪ್ರಕಾರ ಭಾಲು ಕೈನ ಕ್ವುದಾನಾ ಕ್ವಾಮಾ, ಕ್ರಿಸ್ತ ಯೆಸುನಾ ಕ್ವಾಮೊ, ಇನಿಲಿದಲ ದೆವದುತೊನಾ ಕ್ವಾಮಾ ಕ್ಕರಿ ಕವಸ.

22 ತು ತಾರಾ ಹತೊ ಕಿಪರಬಿ ಮೈಲಿನ ತಿನೆ ಸಭಾಪರ ಮೊಟ್ಟೊ ಕರಾತಿ ಅಗ್ಗುರ ಮನಸ ದಿನ್ನ ವಿಚಾರ ಕರ. ಬಿಜ್ಜಾ ಮನಕ್ವೊನಾ ಪಾಪಮಾ ಪಡೆನೈಸೊ ಶುದ್ಧ ಧೈನ ರ್ವೆ.

23 ತಿಮೊತಿ, ತು ಪಾನಿ ಪಿದ್ಯಾವಾಚಿ ದಕ್ಕು ದ್ರಾಕ್ಷಿಯೊನು ರಕ್ತ ಪ್ಪು ಇನಾಹುತಿ ತು ಖಾದಲ ಅನ್ನ ಪಚನ ಕರಾನಿ ತಾಕತ ಹೆಚ್ಚಿ ಥಾವಸ ವರಿ ಹಗ್ಗಿಲ್ಲಾ ಅರಾಮ ನೈಸೊ ಪಡತೊ ನೈ.

24 ದಕ್ಕಾ ಮನಕ್ವೊ ಕರಲ ಪಾಪೊ ದಿಕ್ಕಿನ ಆವಸ. ತ್ಯುನೊನೆ ಪೈಸಲೊ ಥಾವಸ ಕವಾನು ದೆಕಾಡಿನ ದಿವಸ. ತೆ ದಕ್ಕಾ ಮನಕ್ವೊ ಕರಲ ಪಾಪೊ ದಕ್ಕಯೆಳ ಪರ ಕಳಸ.

25 ತಿಮ್ಮಜ್ಜ ದಕ್ಕಾ ಭೊಕಾ ಕಾಮೊ ದಿಕ್ಕಿನ ಆವಸ. ಹಜ್ಜುನ ದಕ್ಕಾ ಕಾಮೊ ದಿಕ್ಕಿನ ನೈ ಆಯಾ ತಬಿ ತೆ ದಡಿರ್ವ್ವತು ನೈ.

6

1 ಗುಲಾಮೊ ತಿನಾ ಮಾಲಕನೆ ಕ್ವಾರಾಕ್ವುಜ್ಜ ಮರ್ಯಾದಿ ದ್ಯು ತೆಳಾಮಾ ಕ್ವುದಾನಾ ನಾಮನೆ ವರಿ ಅಪೆ ಕವಾನು ಉಪದೆಶನೆ ಕುನ್ನಜ್ಜ ಕೆಟ್ಟ ವೈಕ್ಯೆನ ಕತಾನೈ.

2 ದಕ್ಕಾ ಮನಕ್ವೊನೆ ಬರೊಕ್ಕೊವಾಲಾ ಮಾಲಕೊ ಛೆ. ತಿನಾಹುತಿ ತೆ ಗುಲಾಮೊ ವರಿ ಮಾಲಕೊಜ್ಜ ಭಾಯೊ ಥಯಾಸ. ತೆನೈಸೊ ತ್ಯುನೆ ತಿನಾ ಮಾಲಕೊನೆ ಕಮ ಮರ್ಯಾದಿ ದೆಕಾಡು ನೈ ತ್ಯುನಾ ಮಾಲಕನಿ ಸೆವಾ

ಹಜುನ ಚೊಕಿತರಾ ಕರು. ಕಾಕದ್ಯಾಮ ತ್ಯುನೆ ಚೊಕಾ ಕಾಮೊನಾಹುತಿ ತ್ಯುನೊನೆ ತಿಮ್ಮ ಮ್ಹೆಲ್ಯಾಮ ಬರೊಕ್ಕೊ ರ್ವಯಲವಾಲಾ ವ್ಹೈ ವರಿ ಮಯಾನಾ ದೊಸ್ತೊ ಥೈನ ರ್ವಯಾಸ. ಎ ಕಾಮೊ ಕರು ಕೈನ ತು ಮನಕ್ಕೊನೆ ಉಪದೆಶ ಕರು ವರಿ ತಿಳಸೌ.

³ ದಕ್ಖಾ ಮನಕ್ಕೊ ಸುಳ್ಳ ಸಂಗತಿಯೊ ಕವಸ. ತೆ ಮನಕ್ಕೊ ಅಪ್ಪೊ ಪ್ರಭು ಥಯಲ ಯೆಸುನಿ ಕ್ಹರಿನಿಯೊ ವಾತೊ ನೈ ವಪ್ಪಿಲೆತಾ. ಕ್ಹುದಾನಿ ಸೆವಾನೆ ಕ್ಹರಿಜು ಕರು ಕವಾನಿ ಉಪದೆಶ ತ್ಯುನೆ ನೈಸ್ವಿಕಾರ ಕರತಾ.

⁴ ಕೆಟ್ಟ ಶಿಕ್ಲಾವಾಲೊ ಗಮಂಡಿಕ್ಹು ಭರಲ ರ್ವವಸ ವರಿ ತಿನೆ ಸುಜು ಕಳತು ನೈ ತೆ ಕ್ಹಾಲಿ ವಾದ-ವಿವಾದ ಕರಾಮಾ ರ್ವವಸ. ಇಕ್ಹು ಸಂಗಟ, ಲಡೈ ತ್ರಾಸ ವರಿ ಕೆಟ್ಟ ಸಂಶೊ ಹುಟ್ಟಸ.

⁵ ಎನೈಸೊ ಕೆಟ್ಟ ಜನಾವೊಮಾ ವಾದವಿವಾದ ಹುಟ್ಟಸ. ತೆ ಮನಕ್ಕೊ ಕ್ಹರಿನೆ ಛೊಡಲವಾಲಾ ವ್ಹೈ ಕ್ಹುದಾನಿ ಸೆವಾ ದೊಕಡಾ ಕಮಾವಾನಿ ಯಕ್ ವಾಟ ವ್ಹೈ ಕೈನ ತ್ಯುನಿ ವಿಚಾರ ವ್ಹೈ

⁶ ಕ್ಹುದಾನಿ ಸೆವಾ ಕರಾಲೊ ತಿಕನ ರ್ವಯಲಮಾ ಮುಶ ರ್ವವಸ, ತೆ ಮ್ಹೊಟೊ ಸೌಕಾರಜು ವ್ಹೈ

⁷ ಅಪೆ ದುನಿಯಾಮಾ ಆಯಲಪರ ಸುಜು ಲಿನ ಆಯಾ? ಸುಜು ನತ್ತಿ. ಅಪೆ ಮರತಾಮಾ ಸುಜು ಲಿನ ಜಾತಾ ನೈ? ಸುಜು ನತ್ತಿ.

⁸ ತಿನಾಹುತಿ ಅನ್ನ ವಣ್ಣಾ ರ್ವಯುಮ ಬಸ್ಸ, ಅಪೆ ಮುಶಿ ರ್ವಯೆಸ.

⁹ ತೆನೈಸೊ ಸೌಕಾರ ಥೌಸ ಕವಾಲಾ ತ್ಯುನೊನೆ ತ್ಯುನೆಜು ತ್ರಾಸನೆ ಗುರಿ ಕರಲಿವಸ. ತ್ಯುನೆ ಪಾಕ್ಕೊ ಫಾಲಿದಲವಾಲಾ ಥಯಾಸ. ತ್ಯುನೆ ಕೆಟ್ಟ ಆಸೊಮಾ ಪಡಸ. ತೆ ಮನಕ್ಕೊನೆ ಹಾಳ ಕರಿನ, ವರಿ ಬರಬಾದ ಕರಸ.

¹⁰ ದೊಕಡಾನಿ ಮಯಾಕ್ಹು ಕ್ಹಾರಾ ತರಾನಾ ಕೆಟ್ಟ ಕಾಮೊ ಹುಟ್ಟಾವಸ. ದಕ್ಖಾ ಜನಾ ಪಡ್ಡಿಲಿವಾನಾ ಹುತಿ ಬೊರೊಕ್ಕೊ ಜವೈಲಿದ್ಯಾಸ ವರಿ ಘನ್ನಾ ತ್ರಾಸೊಕ್ಹು ತ್ಯುನು ಮನಸ ಘಟ್ಟಿ ಧೈಗೈಯುಸ.

¹¹ ತೆನೈಸೊ ತು ಕ್ಹುದಾನೊ ಮನಕ್ಹ ವ್ಹೈ ತಿನಾಹುತಿ ಎ ಕ್ಹಾರಾ ಸಂಗತಿಯೊಕ್ಹು ದುರ ರ್ವೈ ತೆನೈಸೊ ನಿತಿವಂತ, ಭಕ್ತಿನಿ ಸೆವಾ ಬರೊಕ್ಕೊ ಸಮಾಧಾನ ಧೈಯ ಮಯಾ, ತಾಳ್ಳಿ ಉದಾರ ಮನಸನೊ ಥೈನ ರ್ವೈ

12 ಬರೊಕ್ಕಾನಾ ಖೆಲಮಾ ತಾರಿ ಚೊಕಿತನಾಕ್ಲು ನ್ಹಾಟೆ ಲಿಂಗತ ಛಿ. ನ್ಹಾಟಾನಾ ಖೆಲಮಾ ಝಿತ್ತಾನೆ ತುಕನ ಥಾವಾ ಯಕ್ಲು ಕೊಶಿಶ ಕರ. ಹಮೆಶಾನೊ ಜಿವನ ಪಡದಿಲಿವಾನೆ ಕೊಶಿಶ ಕರ. ತೆ ಪಡದಿಲಿವು ಕೈನ ಬಲೈಲಿದಲವಾಲೊ ವ್ಹೈ. ಕ್ರಿಸ್ತನಾ ಬರೊಕ್ಕಾನಾ ಹುತಿ ಕ್ಹರಿ ತು ಘನ್ನಾ ಮನಕ್ಲೊನಾ ಕ್ಹಾಮೊ ವಪ್ಪಿಲಿವು.

13 ಪೊಂತ್ಯ ಪಿಲಾತನನಾ ಕ್ಹಾಮೊ ಸಾಕ್ಷಿ ದಿದಲ ಕ್ರಿಸ್ತ ಯೆಸುನಾ ಸನ್ನಿಧಾನಮಾಬಿ ಕ್ಹಾರಿ ಸೃಷ್ಟಿನೆ ಜಲಮ ದಿದಲವಾಲಾ ಕ್ಹುದಾನಿ ಸನ್ನಿಧಿಮಾಬಿ ಮಿ ತುನೆ ಕವಾನು ಸುವೈ ಕದ್ಯಾಮ,

14 ಅಪ್ಪೊ ಪ್ರಭು ಥಯಲ ಯೆಸು ಕ್ರಿಸ್ತ ವರಿ ಆವಾನೊ ಟೈಮಲಕ್ಕಾ ತು ಎ ಕಾಮೊ ತಪ್ಪವಾಚಿ, ಚುಕ್ಕಾವಾಚಿ ಕರತೊ ರ್ಹೈ.

15 ಕ್ಹುದಾ ಕರೆಟ್ಟೆ ಟೈಮಮಾ ತೆ ಕರಸ. ತೆ ನಸಿಬವಾಲೊ ಯಕ್ಲೊಜ್ಜ ರಾಜಾವೊನೊ ರಾಜೊ ಪ್ರಭುವೊನೊ ಪ್ರಭು ಥಯೊಸ.

16 ಮರಣ ನೈಸೊವಾಲೊ ತೆ ಯಕ್ಲೊಜ್ಜ ವ್ಹೈ ತೆ ಘನ್ನಿ ಉಜಾಲಾಮಾ ರ್ಹವಾಲೊ ರ್ಹಯಲಕ್ಕಾ ತಿನಾ ಕ್ಹಾಮಾ ಮನಕ್ಲೊ ಜಾವಾನೆ ನೈಥಾತು. ತಿನೆ ಹಜುನ ಲಕ್ಕಾ ಕುನ್ನಜ ದೆಕ್ಕಯು ನತ್ತಿ; ದೆಕಾನೆ ಥಾತುಬಿ ನೈ ತಿನೆ ಮರಯಾದಿಬಿ ಅದಿಕಾರಬಿ ಹಮೆಶಾ ರ್ಹವಾದೆ. ಆಮೆನ್.

17 ಇಹಲೊಕನಾ ವಿಚಾರಮಾ ಸೌಕಾರ ರ್ಹಯಲ ಮನಕ್ಲೊನೆ ಎ ಆಗನ್ಯಾತಿಳಸಾ. ಗರವ ಕರ್ಯಾವಾಚಿ ದೊಕಡಾನಾ ಪಾಚೊ ಪಡ್ಯಾವಾಚಿ ಕ್ಹುದಾಪರ ಆಸ ಮ್ಹೆಲ್ಲಲವಾಲೊ ಥೈನ ತ್ಯುನೊನೆ ತಿಳಸಾ. ದೊಕಡಾ ಬರೊಕ್ಕೊನಾ ನ್ಹವೈ ಕ್ಹುದಾತುಬಿ ಅಪ್ಪಾ ಕ್ಹುಷಿನಾಹುತಿ ಕ್ಹಾರು ಅಪೊನೆ ದಿವಸ.

18 ಚೊಕಾ ಕಾಮೊ ಕರು ಕೈನ ಸೌಕಾರೊನೆ ತಿಳಸಾ. ಚೊಕಾ ಕಾಮೊ ಕರಾಮಾಜ್ಜ ಸೌಕಾರೊ ಥೈನ ರ್ಹವೊ ಕೈನ ತ್ಯುನೊನೆ ತಿಳಸಾ. ಉಪಕಾರ ಕರಾಮಾಬಿ ವಾಟಿಲಿವಾಮಾಬಿ ಕ್ಹುಷ ರ್ಹವಾನೆ ತ್ಯುನೊನೆ ತಿಳಸಾ.

19 ತೆಳಾಮಾ ತ್ಯುನೆ ಸ್ವರ್ಗಮಾ ಯಕ್ಲೆ ಗಾಟ್ರು ಭಾಂದಿನ ಮ್ಹೆಲ್ಲಲ ಲಿಂಗತ ಥಾವಸ. ತೆ ಗಾಟ್ರುಜ್ಜ ತ್ಯುನಿ ಅಗ್ಲಿ ಜಿವನಾನೆ ಘಟ್ಟೆ ಫಾಯಾ ವ್ಹೈ ಇಮ್ಮ ತ್ಯುನೆ ಕ್ಹರಿನಿ ಜಿವಿತ ಪಡದಿಲಿವಸ.

20 ತಿಮೊತಿ, ತಾರಾ ಹತ್ತಮಾ ವಪ್ಪಿನ ದಿದಲ ಚೊಕಿ ಬೊಧನೆ ಚೊಕಿತರಾ ವಚಾಡ. ದುನಿಯಾನಿ ವಿಚಾರನಾ ಕೆಟ್ಟ ಸಂಗತಿಯೊ ಕವಾನಾ ಮನಕೊ ಕ್ಕರಿನಾ ವಿರುದ್ಧ ವಾದ ಕರಾಲಾ ಮನಕೊಕ್ಕು ದುರ ರ್ಡ್ಡೆ ತ್ಯನೆ ತಿನೆ ಗ್ಯಾನ ವ್ಹೆ ಕೈನ ಕದ್ಯಾತುಬಿ ತೆ ಕ್ಕರಿನು ಗ್ಯಾನ ನ್ಹವ್ಹೆ

21 ದಕ್ಕಾಜನಾ ತ್ಯನೊನೆ ಗ್ಯಾನ ಛಿ ಕೈನ ಕದ್ಯಾತುಬಿ ಕ್ಕರಿನು ಉಪದೇಶ ಛೊಡಲವಾಲಾ ರ್ಡ್ಡವಸ. ಕ್ಕುದಾನಿ ಮರಗಾ ತುಮಾರಾ ಕ್ಕಾರಾವೊನಾ ಕ್ಕಾತೆ ರ್ಡ್ಡವಾದೆ.

ಕ್ಪುದಾನಿ ಕ್ಕರಿನಿ ವಾಕ್ಯಾ
The New Testament in the Sholaga language of Indea:
ಕ್ಪುದಾನಿ ಕ್ಕರಿನಿ ವಾಕ್ಯಾ

copyright © 2023 The Word for the World International

Language: (Sholaga)

Contributor: The Word for the World South Asia

ಕ್ಪುದಾನಿ ಕ್ಕರಿನಿ ವಾಕ್ಯಾ
ನವು ವಡಂಬಡಿಕೆ, 2023

The New Testament in Sikkiligar Language

The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-02

PDF generated using Haiola and XeLaTeX on 1 Jul 2025 from source files dated 2 Jul 2025

c4493657-eaaf-5555-9b4b-b1cd97f111ff